

增補資治通鑑

第一函  
五十三冊

御批

袁了凡先生原本

增補  
治通鑑

京都琉璃廠藏版

江苏王业学院图书馆  
藏书章

歷史綱鑑補序

居恒每謂域中有三大天大道大史大史  
蓋乘天之運乘道之公維持名教於無窮  
王侯卿士聖賢愚不肖之德業功罪與萬  
世共觀之法戒凜如衮鉞乎周官太史掌  
建邦之六典以逆邦國之治凡辨灋者攷  
焉萬民之有約劑者藏焉內史掌王之八  
枋之灋以詔王治凡四方之書內史讀之

掌書王命遂貳之外史掌書外令掌四方之志三皇五帝之書御史掌邦國都鄙及萬民之治令以贊冢宰凡治者受瀆令焉左史記言右史記事王不得與目典制拂何其隆重哉周中葉失官列國亦各有史不統於一孔子乃因魯史脩春秋於平王已未四十九年魯人立惠公之子息姑是爲隱公元年始載筆寓褒貶以正一王之

灋訖敬王庚申三十九年春西狩獲麟時  
因道不行又脩詩書詩多存周綴頌商魯  
書則斷自堯典訖秦誓書卽左史之言春  
秋卽右史之事而今皆尊之爲經蓋聖人  
灋天尊道以垂教豈學徒能贊一辭哉惟  
司馬遷式尙書起堯典作五帝本記實黃  
帝高陽帝嚳堯舜而三皇覺夢存亡之世  
則不書訖天漢而止左丘明依春秋爲傳

典則溫麗今竝稱左馬膾炙儒林自是班  
固前漢書詳整有濶度可與龍門差次稱  
盛范曄後漢書詞語溫潤雖太樸微散尙  
燦如可觀以後三國志晉書唐書五代史  
十九史汗牛充棟僅紀錄當時之名迹耳  
然皆分部揚鑣各依朝代求折衷於孔子  
之尙書春秋自黃帝八年訖今七十三甲  
子集成爲帙俾四千餘年人事若指諸掌

則憂憂乎難哉惟宋元豐七年端明殿學  
士司馬光上資治通鑑叅考羣書評其同  
異上起周威烈戊寅二十三年初命晉大  
夫魏斯趙籍韓虔爲諸侯下訖五代蓋光  
與劉邠劉恕范祖禹及子康所編集光自  
出知永興軍差判西京留司御史臺及提  
舉崇福宮前後六任聽以書局自隨厯十  
九年而成合三百五十四卷然避續春秋

之嫌不敢緊接獲麟敬王庚申後尙立五年元主立七年貞定王立三十有八年考王立十有六年乙卯崩威烈王丙辰立至戊寅冊三晉垂七十年矣朱考亭熹就資治通鑑爲綱目綱師春秋目訪左傳褒貶極其嚴正而楊慎丹沿總錄云綱目乃朱子門人趙師淵奉師命所編非朱子手筆故文辭遜於資治云然馬班已降世會目


不能爲先秦兩漢但論義例主意文辭焉  
可求備哉至威烈以前夔邇泰古五代以  
後更厯宋元皆出於綱鑑綱目之外非有  
徵信何以流傳幸京兆劉恕有綱鑑外紀  
起三皇本紀止周共和蘭溪金履祥有綱  
鑑前編起陶唐止威烈宋則丹稜李燾有  
續資治通鑑元則四明陳桎有綱鑑續編  
至我明商素菴輅有續編宋元綱目而

萬厯間攜李袁君黃世稱了凡先生者高  
第甲科爲郎司馬門枕經藉史黼黻河漢  
和合諸公之所纂記聯集於涑水考亭之  
前後名曰厯史綱鑑補刪煩就簡事備而  
文約曰紀曰編曰綱曰鑑曰目疑識攸明  
乃二百四十年之春秋曰經曰傳冠履無  
倒更以己意爲斷立論多奇不盡落宋儒  
蹊逕比於蘇紫溪濬李九我廷機之刊行



於世者似覺有進焉者矣嗚呼作史貴擅  
三長讀史尤須獨見鴻荒以來循蜚因提  
禪通䟽侖諸名氏或繇子書寓言而談天  
紀厯強半誦調荒唐事受曖昧之誣功成  
罪過之案南董以後多曲筆公穀以外有  
深文冠襟大韶以喉脣持橐尙論千古者  
必格物窮理叅以識力而後齊諧稗官有  
所衷嘖室徂某不待闢而自服矣脩道立

教瀟天之雨露雷霆以觀懲萬世此願學  
孔子者之責也

賜進士第正治上卿資德大夫太子少保  
禮戶兵刑四部尚書都察院左都御史  
南昌熊明遇撰





# 歷代帝王國



# 統相承之圖

歷代國朝圖

六



大明一統萬萬世

方圖者正統圖國者正統

# 五朝傳授之圖

德芳太祖長子惟憲從郁世將合衿子儼封恭王

寧宗光宗之子

宋祖

哲宗神宗子

徽宗第六子

孝宗秀王次子 恭祖七世孫

光宗第三子

恭帝度宗之子

徽宗神宗第四子

欽宗徽宗長子

理宗王子 恭祖十世孫

度宗福王與芮之子

端宗恭帝之兄

太宗

真宗太宗第一子

仁宗真宗第六子

英宗真宗第十子

神宗英宗長子

元

允封濮安懿王 生英宗

帝昀端宗之子

# 元朝傳授之圖

元祖

太宗太祖第三子 定宗太宗長子

顯宗裕宗次子

睿宗太祖第四子 憲宗睿宗長子 裕宗世祖長子

世祖睿宗次子

順宗裕宗長子

成宗裕宗季子

武宗順宗長子

泰定帝順宗之子

明宗武宗長子

寧宗明宗次子

仁宗順宗次子

英宗仁宗

文宗武宗次子

順帝明宗長子

大明萬萬世

○歷代國號歌

天皇地皇人皇氏  
名曰三皇居上世  
大昊炎帝及軒轅  
唐虞紹之爲五帝  
夏商周秦東西漢  
後漢魏吳三國判  
漢亡於魏魏禪晉  
晉遂平吳天下定  
擾西晉者爲五胡  
天下瓜分南北隅  
南爲東晉居江左  
宋齊梁陳踵其都  
北則五胡而後魏  
東魏西魏分爲二  
東傳北齊西禪周  
周滅齊禪隋帝  
隋龍平陳海宇周  
會幾何時禪唐室  
唐祚中分爲五季  
梁唐晉漢周相繼  
宋代周兮天下平  
南渡兮迫於金  
誅金滅宋是胡元  
左衽中原九十年  
自堯造元幾春秋  
三千七百二十四  
帝王神器已有歸